

XVI. NAČIN I UVJETI PRIKLJUČENJA NA KOMUNALNU INFRASTRUKTURU, Prema uvjetima nadležnih organizacija,

Postojeća infrastrukturalna mreža:

- vodovodna mreža izvedena na parceli,
- fekalna kanalizaciona mreža izvedena na parceli,
- elektroenergetska mreža izvedena na parceli,
- asfaltni put izveden uz parcelu sa zapadne strane,
- gasna mreža izvedena uz parcelu,
- telefonska mreža izvedena,
- javna rasprava izvedena uz saobraćajnice.

OBAVEZA OPĆINE:

- dovesti toplovodnu mrežu uz parcelu,
- izvesti prilaznu saobraćajnicu sa zadnje (istočne strane) objekta uz parcelu

OBAVEZA INVESTITORA:

- elektroenergetsku mrežu izvesti uz uslove nadležnog preduzeća,
- izgraditi saobraćajne površine u okviru parcele,
- izvršiti hortikulturno, vanjsko uređenje parcele,

XVII. TROŠKOVI NAKNADE ZA POGODNOST I UREĐENJE GRADSKOG GRAĐEVINSKOG ZEMLJIŠTA, Za

III zonu gradskog građevinskog zemljišta naknada za pogodnost - renta iznosi 40,40 KM/m² korisne površine objekta, za uređenje gradskog građevinskog zemljišta naknada iznosi 69,60 KM/m²,

XVIII. TROŠKOVI NAKNADE ZA IZGRADNJU SKLONIŠTA, 1% od vrijednosti građevinskih i instalaterskih radova unutar objekta,

XIX. POSEBNI USLOVI, Nije dozvoljeno postavljanje zaštitnih ograda u svrhu ograđivanja građevinskih parcela.

Član 2.

Javni konkurs za dodjelu neizgrađenog gradskog građevinskog zemljišta u Državnom vlasništvu provodi Komisija za provođenje javnog konkursa koju imenuje Općinsko vijeće.

Član 3.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-II-31-2573/12

17. septembra 2012. godine
Ilijaš

Općinski načelnik
Nusret Mašić, s. r.

OPĆINA STARI GRAD

Općinsko vijeće

Na osnovu člana 8. i 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06), člana 8. Zakona o matičnim knjigama ("Službene novine Federacije BiH", broj 37/12), tačke 11. Uputstva o načinu vođenja matičnih knjiga ("Službene novine Federacije BiH", broj 63/12) i člana 5. i 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 31/08 i 16/12), Općinsko vijeće Stari Grad Sarajevo, donijelo je

ODLUKU

O JEDINSTVENOM MATIČNOM PODRUČJU

Član 1.

Područje Općine Stari Grad Sarajevo se određuje kao jedinstveno matično područje, za sva naseljena mjesta Općine.

Član 2.

Sjedište matičnog područja je u Općini Stari Grad Sarajevo.

Član 3.

Matična knjiga rođenih i matična knjiga umrlih vode se za Općinu Stari Grad Sarajevo u sjedištu matičnog područja.

Matična knjiga vjenčanih Općine Stari Grad Sarajevo vodi se kao jedinstvena knjiga za naseljena mjesta u kojim se vrši sklapanje braka.

Matična knjiga državljana vodi se kao jedinstvena knjiga za cijelo područje Općine Stari Grad Sarajevo.

Član 4.

Ova Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 02-49-346/12
Septembar 2012. godine
Sarajevo

Predsjedavajući
Općinskog vijeća Stari Grad
Sarajevo
Prof. dr. **Rizah Avdić, s. r.**

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 31/08 i 16/12), i član 83, 84. i 85. Poslovnika Općinskog Vijeća Stari Grad Sarajevo - Prečišćeni tekst ("Službene novine Kantona Sarajevo", br. 31/08 i 31/10), Općinsko vijeće Stari Grad Sarajevo na sjednici održanoj 05. septembra 2012. godine donijelo je Zaključak o pristupanju utvrđivanju prečišćenog teksta Poslovnika Općinskog vijeća Stari Grad Sarajevo.

Prečišćeni tekst Poslovnika Općinskog vijeća Stari Grad Sarajevo obuhvata: Poslovnik Općinskog vijeća Stari Grad Sarajevo - Prečišćeni tekst ("Službene novine Kantona Sarajevo", broj 31/08) i Odluku o izmjenama i dopunama Poslovnika Općinskog vijeća Stari Grad Sarajevo ("Službene novine Kantona Sarajevo", br. 31/10), u kojima je naznačen dan stupanja na snagu tih odluka.

POSLOVNIK

OPĆINSKOG VIJEĆA STARI GRAD SARAJEVO (PREČIŠĆENI TEKST)

I. UVODNE ODREDBE

Član 1.

Općinsko vijeće Stari Grad Sarajevo (u daljem tekstu Vijeće) organizuje se i radi na način propisan Statutom Općine i ovim Poslovnikom.

Način rada Vijeća o pitanju koje nije uređeno Poslovnikom, Vijeće uređuje zaključkom.

Član 2.

Vijeće radi u sjednicama, a odlučuje o pitanjima iz svoje nadležnosti u skladu sa Statutom Općine i ovim Poslovnikom.

Član 3.

Vijeće ima pečat.

O upotrebi i čuvanju pečata stara se sekretar Vijeća.

II. OSTVARIVANJE PRAVA I DUŽNOSTI OPĆINSKIH VIJEĆNIKA

Član 4.

U ostvarivanju svojih funkcija općinski vijećnik ima pravo i dužnost:

- da prisustvuje sjednicama Vijeća, i njegovih radnih tijela čiji je član i da učestvuje u njihovom radu i odlučivanju,
- da pokreće inicijative za razmatranje i rješavanje određenih pitanja i podnosi prijedloge za donošenje i izmjene akata iz nadležnosti Vijeća,
- da pokreće inicijative i daje prijedloge za unaprjeđenje rada Vijeća i njegovih radnih tijela,
- da pokreće raspravu o sprovođenju utvrđene politike ili o pitanjima koja se odnose na izvršavanje zakona, drugih propisa i općih akata,